

# L'attracziun della Capitala

Autor(en): **Cadruvi, Donat**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **59 (1974)**

Heft 3

PDF erstellt am: **20.06.2024**

Persistenter Link: <https://doi.org/10.5169/seals-881953>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## L'attracziun della Capitala

da Donat Cadruvi

I.

Mia novella «La famiglia Danton» (1972) entscheiva cun in capetel: En in pign marcau. Ina lectura ha qualificau quella part della novella sco emprova d'ironisar nossa Capitala, il marcau de Cuera. Il scribent scriva, publichescha e confida aschia ses plaids al giudicar dil lectur. El ha ni la pussevividad ni il basegns de curreger tals pareris. Quei ei bein era la sort dil present tractat che vul esser screts senza malart. Al lectur beinvulent e critic seigi detg mo ton: Tgi che plaيدا della Capitala, plaيدا de tuttas Capitalas. Per biars ei quei Berlin, per auters Bern, per nus eis ei Cuera. Demai ch'igl ei buca pusseivel d'evitar en relaziuns stretgas ual quella conclusiun e demai che biars vegnan ad interpretar il tractat sco tendenza anti-Cuera, viel jeu confessar la bial'entschatta e sinceramein: Jeu carezel il marcau de Cuera, sias casas, sias streglias, sia populaziun, ses vezis e sias bellezias. A Cuera haiel jeu passentau ils onns denter buob ed um, ils bials onns alla scola cantunala ed ils onns dellas experienzas de professiun.

Eis ei necessari de segiustificar? Anzi, igl ei uras de discuorer dils fatgs e buca dellas intenziuns dil scribent – intenziuns che vegnan a mauns al lectur aschia ni aschia.

II.

L'attracziun della Capitala sa esser in tema per il pictur, per il poet, per igl um della musica e dil cant, per quel che mira ed examinescha il decuors dils fatgs politics della tiara. In tema per tuts che han temas. Aschia sa la descripciun esser statistica, historica, politica, fegliet, sentenza e termagl.

Per igl um, che vul drizzar sia egliada sin ils fatgs generals, dat ei nuot auter che la voluntad de serender sin la muota per mirar, ponderar e descriver.

Da quella collina anora vesa el, co il marcau crescha, co el ei gia daven-taus gronds. Il marcau dellas muntognas. Lunsch entuorn dat ei buca marcaus. Nossa Capitala ei il marcau denter ils loghens gronds della Basa e quels da tschei maun dils cuolms. Quei dat a sia historia ed a sia

funcziun, era a siu character ed al character dils habitonts ina tempra. Ei dat era marcaus senza tempra. Aschia san ins capir l'entira impurtonza della qualificaziun che Nicolin Sererhard ha dau a nossa Capitala en sia «Ein-falte Delineation»: «. . . Vorort des Bunds und Prinzpalort des Landes. . .». Daveras: Il liug principal lunsch entuorn.

Quei fuss de concretisar per nies temps: Igl onn 1930, quei temps della crisa, veva nossa Capitala 15 500 habitonts. Trent'onns pli tard fuvan ei gia 24 500 olmas – ed oz eis ei varga 32 500. «Gewaltiger Confluxus der Völkern. . .» scheva nies Nicolin Sererhard. E nossa perdetga, quel che fa la controlla dils habitonts a Cuera, pretenda ch'ei seigi stau aschia era suenter il temps della famosa cronica sererhardiana. Biars ein Grischuns, biars ein jasters. Il marcau, fitgaus vi encunter las costas dils cuolms, ei staus habels e fermes avunda per retscheiver ed occupar, per nutrir e divertir jasters e dumiastis. Per biars, aschia raquentan nossas perdetgas en Casa cumin a Cuera, ei nossa Capitala mo l'emprema staziun sil viadi grond viadora el mund nunenconuscent.

Ei entscheiva cun nossa giuventetgna. Varga 1 600 emprendists dils mistregns van a scola – e ston ir a scola – ella Capitala per daventar umens e femnas dil fatg. In pèr tschien auters ed autras fan la scola professiunala dils negoziants.

Nus fagein menziun dellas scolas: La Capitala ei era en quels graus la Capitala della attracziun. La Scola cantunala daventa la scola della regiun de Cuera, mo mantegn era il num e las simpatias d'ina scola per tuts Grischuns. La Capitala ha ina scola superiura per ils teologs catolics, per quels della tecnica, per las futuras negoziantas.

O d'entuorn ein ils spitals.

Amiez ei la perschun.

Sisum ei la Catedrala.

Enzanua ina garnischun ch'ins numna la Caserna.

Pia la suprema administraziun de tuts fatgs humans e bunamein ultra-terresters. Ils ultims scalems della hierarchia e della carriera dils paupers humans. Il center della politica.

Ei ha num documentar: De nos tschun aultstimai cussegliers guvernativs han quasi tuts il domicil ella regiun della Capitala. Quei vala era per ils

dus cusseglers dils stans. Quei vala per duas tiarzas dils cusseglers nazionals grischuns. Quei vala per 20% dils commembers dil Cussegl grond. Quei vala per 80% dils derschaders cantunals e per la gronda part dils commembers della dertgira administrativa.

Il domicil ella regiun ei buca mo statistica formala. Quei ei pussonza, influenza, attaschonza al liug ed a sias instituziuns.

La Capitala dat tetg allas interpresas ed allas organizaziuns della industria e dil mistregn. Igl ei la centrala dils secretaris, gie schizun della administraziun dils purs! De quei dat perdetga in messadi dil president dil marcau dils 16 de fenadur 1964 al cussegl dil marcau, in document che sto remplazzar ulteriuras indicaziuns. Il scribent seperschuada de quei ch'ei daventau suenter 1964 sch'el mira viadora encunter il Plaun de cavals, giu encunter il Rein e dalla Val renana giuadora. Igl ei buca mo vegnas. Igl ei era fabricas, casaments, indezis dil marcau modern e tecnic.

Nua ch'ei ha regenzas, hai era schuldada, emploiaus. Il Cantun Grischun dat lavur a varga 2000 persunas. Ver 50% de quels vivan ella regiun della Capitala.

La Capitala ei era la Capitala dellas gasettas. Ella discuora di per di cun ils carstgauns, era cun quels che vivan enzanua auter. E quels che stattan lunsch siaden ellas valladas, viadora encunter ils cunfins, audan la vusch della Capitala. Leu vegn la vusch della Capitala rinforzada da radio, biblioteca, televisiun. Ins sa ch'igl ei savens la vusch della Capitala. Pader Alexander Lozza ha giu udiu la vusch dils zenns della Catedrala entochen si Surmir. Ei fuva ils zenns della giustia!

Si sper il mir santeri della Cuort ruaussa nies grond Giacun Hasper Muoth. El ei buca staus il sulet Romontsch che ha schau la veta ella Capitala. Auters ein naschi e han luvrau leu sco sch'els fussen mai stai en in marcau. Auters ein daventai Romontschs della Capitala. (Leu han ils Romontschs lur centrala, lur administraziun, lur uniuns, lur scienziats e bein era il pli grond diember con-sorts de lungatg e derivonza.) Mo ei ha num seperschuader de lur impurtonza: Numerus cumponists e scribents ein leu. Tschei di haiel jeu fatg ina retscherca per dar caschun a certa glied «interessanta ed instruida» de s'exprimer concernent lur relaziuns cun la Provinzia. Buca meins che 80% de mes adressats stattan a Cuera. Tgei sorpresa – e tgei realitad!

Aschia ei la Capitala: Decorada dal renum historic. Preferida da sia situa-  
ziun geografica. Distinguida da sia carschen exteriura e da sia impurton-  
za materiala. Da leu derivan ils decrets, las normas, mo era la musica, la  
poesia, il schar encrescher per ils temps vargai.

Ei deva in temps che repeteva cun mintga caschun la polaritad Capitala-  
Provincia, cunzun quei che pertuccava las relaziuns denter Cuera e la  
Surselva. Ina relaziun, marcada e stigmatisada da combats politics mal-  
uardai. Expressiun d'in svilup che dat raschun alla Capitala (sch'il diem-  
ber e la forza ei ina raschun). Ina expressiun dil sedustar hanau dil vitg e  
della val encunter il mund enguord che maglia tut. Mo ei dat era igl aspect  
social: La Capitala ei malgrad tut il marcau dils cuolms, pia nies agen  
marcau. Leu vivan biars de nos enconuschents ed amitgs, de quels che  
patratgan e sentan sco nus.

Provincia duei restar Provincia. La Capitala duei restar la Capitala. Mo ei  
dat lunsch sur Provincia e Capitala ora igl artg della medema sort, della  
humanitad, della simpatia vicendeivla.

Denter Provincia e Capitala dat ei biaras dependenzas. Ei dat era attrac-  
ziuns viceversa.

Perquei che la Rezia ei fatga e formada aschia, eis ei bi de turnar giu dalla  
muota, de percuorer las gassas, de mirar siper casas e casaments – e bi  
de turnar viadora sin la vasta Provincia.

matg 1974